

Kanton Sarajevo
Skupština Kantona Sarajevo
Admela Hodžić Klub SDA

Sarajevo, 30.10.2019.godine

Kanton Sarajevo
Ministarstvo privrede

PREDMET: ZASTUPNIČKA INICIJATIVA

Na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) podnosim inicijativu Ministarstvu privrede Kantona Sarajevo za finansiranje uređenja dijela izletišta, odnosno izgradnju novih i sanaciju postojećih sadržaja i opreme za održavanje sportsko-rekreativnog izletišta Kraljevac na općini Hadžići u iznosu od 30.000,00 KM

OBRAZLOŽENJE

Izletište Kraljevac sa nedavno obnovljenim planinarskim domom "Ibrahim Fejzić - Deda" Kraljevac nalazi se na nadmorskoj visini od 965 metara, u podnožju sjevernih obronaka vrha Hranisava. Planinarski dom, staze za šetanje, sajla za penjanje na stijeni prema Hranisavi kao i igralište koje su obnovljeni sredstvima članova planinarsko smučarskog društva, sredstvima raznih donatora ljubitelja prirode te dijelom uz pomoć radnih akcija učenika osnovnih i srednjih škola iz Hadžića, sada posjećuje veliki broj turista.

Dio te netaknute prirode koji se nalazi u podnožju planine Bjelašnice veoma je posjećen, dijelom zbog svojih prirodnih ljepota i čistog planinskog zraka dijelom i zbog toga što šumskim stazama vikendom možete vidjeti kolone domaćih i stranih posjetitelja koji samo pješničkim planinarskim stazama mogu doći do izletišta Kraljevac i planinarskog doma. Upravo je i najveća posjećenost zbog toga što do izletišta nema automobila. Za sve planinarske staze članovi PSD Pazarić izradili su i postavili obilježja i izradili mapu koju posjetitelji mogu preuzeti kako bi u svakom trenutku znali na kojem dijelu staze se nalaze i kako da se vrate nazad do planinarskog doma gdje im je omogućeno korištenje prostorija za odmor kao i upotreba kuhinje, šardrvana i igrališta.

Nakon nekoliko radnih akcija većeg broja članova PSD Pazarić, nastavnika i učenika osnovnih škola iz Tarčina i Pazarića te srednjoškolskog centra iz Hadžića, osposobljena je staza od planinarskog doma na Kraljevcu do Guvništa. Staza je u potpunosti uređena i obilježena do Guvništa. Trasa ostatka staze od Guvništa do Laništa se poklapa sa trasom šumskog makadamskog puta koji vodi od Tarčina do Laništa i dalje prema Zelenim njivama, Lapovom dolu itd.

Planirano je obilježavanje i ove dionice kao i postavljanje planinarske signalizacije na kompletnoj stazi, zatim uređenje starih i osnivanje novih staza na prilazu domu, te od doma prema Hranisavi, rekonstrukcija nekoliko šardrvana i izgradnja novih, nabavka materijala za stolove i klupe, izgradnja adrenalina parka sa umjetnom stijenom za penjanje, nabavka bicikala pošto su staze pogodne i za biciklizam, zatim izgradnja parka za djecu, nabavka agregata za struju, nabavka trimera i kosilice za uređenje i održavanje okoline doma za što su potrebna gore navedena sredstva.

Molim nadležene da što prije razmotre ovu inicijativu imajući u vidu da pored posjetitelja domaćih i stranih, lokalnog stanovništva, članova raznih udruženja planinarski dom i izletišta Kraljevac posjećuju i školarci članovi izviđačkih sekcija kojih je na općini Hadžići sve veći broj. Također treba naglasiti da članovi PSD Pazarić svojim sredstvima održavaju dom i pješačke staze a korištenje svih navedenih sadržaja ne naplaćuju posjetiteljima.

Admela Hodžić